

Sakkut ilaasa inerteqqutaanerat pillugu Kalaallit Nunaannut nalunaarut

Inatsimmi nr. 1008-mi 19. december 1992-imeersumi (Sakkut pillugit Kalaallit Nunaannut inatsit) § 1, imm. 3, oqaaseqatigiit siulliit aamma § 13 naapertorlugit aalajangersarneqarpoq:

§ 1. Inerteqqutaavoq Kalaallit Nunaanni Politimesterimit akuerineqaaqqaartinnani sakkunik makkuninnga eqqussinissaq, sananissaq, pissarsinissaq, peqarnissaq, nassatarinninnissaq imaluunniit atuinissaq:

- 1) håndgranatit, qaartartut, qaartartut nunamut assaguttakkat sakkussallu taakkununga assingusut, qaartinneqarnermikkut naqitsinermik siaruartitsisinnaasut imaluunniit mikisualunnik erfagiussisinnaasut,
- 2) kemiskimik, biologiskimik, radiologiskimik aamma atomimik sakkuliat aamma sakkunut igeriussisutit, sakkunut taamaattunut immikkut ilusilersukkat aamma naleqqussakkat, kiisalu atortussat, sakkunut sakkunillu igeriussisutitut taamaattunut ilaasussatut immikkut ilusilersukkat imaluunniit naleqqussakkat,
- 3) sakkut laserit, isinik illersuuserneqanngitsunik tappingersitsivinnissaq kisiat siunertaralugu imaluunniit sunniutit arlallit ilaattut tappingersitsivinnissamik immikkut naatsorsuussaasut, aamma
- 4) sakkut kalerrisaarutitalit aamma sakkut gas-itaqaatigalutik kalerrisaarutitalit. Taamaallaat inerteqqutaanngillat atortut, ajunaalernermi qummoroortitsissutinik aamma ajunaalernermi ikumatittakkanik igeriussisutissatut sananeqarsimasut.

§ 2. § 1-imik unioqquitsineq Kalaallit Nunaanni sakkut pillugit inatsimmi § 13, imm. 1 malillugu pinerluttulerineri inatsit naapertorlugu pineqaatissinneqarnermik kinguneqarsinnaavoq. Sakkut pillugit inatsimmi § 13, imm. 2 malillugu ingerlatsiviit il.il. akiliisussanngortinneqarsinnaapput.

§ 3. Nalunaarut atortuulerpoq ulloq 1. december 2009.

Imm. 2. Sakkunik kemiskiusunik atuinissap inerteqqutaanera pillugu Kalaallit Nunaannut nalunaarut nr. 751, 26. september 1997-imeersaq atorunnaarsinneqarpoq.

Imm. 3. Inuit, nalunaarutit atortuulersinneqarnerani sakkunik kalerrisaarutitalinnik aamma sakkunik gas-itaqaatigalutik kalerrisaarutitalinnik pigisallit, sakkunik tamakkuninnga pigisaqaannarsinnaapput, taakkuninnga pigisaqarneq Kalaallit Nunaanni Politimesterimut nalunaarutigineqarpat kingusinnerpaamik ulloq 1. december 2010.

Inatsiseqarnermut ministereqarfik, ulloq 28.oktober 2009

BRIAN MIKKELSEN

/Anette Arnsted